

決杖施行且監兵使邊將守令等或稱教師或稱軍官各色哨官多所率去仍為留置終不上送至為駭愕監兵使邊將守令限內不送者入 啓重論施行事捧承 傳何如 傳曰允○庚子○王世子問 安後 裕陵拜祭事出行○王世子在裕陵遣司書李顯英問 安○水兵備倭都司吳宗道揭帖近見廟堂議論惟欲苟且了事不知門戶藩籬高鑰當固少有隙隙堂與之憂也胡為見不及此迺視為鄉隣之閫決閉戶之謀豈計哉弊營舟師以役思歸啓行太早風迅未定滯留長山串者幾十日道以涼德係責三軍不能人定勝天徒爾熱中邇聞釜山潛有往來之賊道任討賊之寄而以賊虜貽後憂雖見妻孥亦有餘愧荷大王不督過之而贖饒之禮有加無已素餐具官面頸皆赤時下天風漸和春汛將便揚鈴千里日遠大王嚴威而丹扈無逸之獻每於大王而日望之葉靖國郭京張角之流留之徒為萬世口實羽便肅此稱謝曷勝惓惓○一更艮方坤方如火氣五更艮方坤方巽方如火氣○辛丑○王世子行